

SENSA MOGOGNI NÉ VEGIÒRNIE

A Quessi, quartê de d'âto a Marasci, ghe sta da gente in ganba, ch'a se da da fâ pe megioâ a qualitæ da vitta de tutti i abitanti, grandi e picin.

O 22 de novembre do 2006 s'è costitoio o *Comitato Genitori per Quezzi*, ch'o l'â domandou a-o Comune l'afidamento de l'area ciamâ *Giardini "Pista Rossa"* pe fane in pòsto dove i figeu de tutte e etæ pòssan trovase quande no en a scheua e inparâ a stâ insemme e demoase inte 'n ambiente san. Into comitato en tutti volontai che netezzan, fan a manutençion, tegnan d'euggio i figeu e fan de iniziative.

Prezenpio, o nòstro sòccio Angelo "Sergio" Diana, ch'o l'â 'na bitêga da cartâ a Quessi e con l'Yvonne Migliori o l'â fæto e o pòrta avanti o prezepio da Compagna, o l'â pensou de mette insemme doe cöse che de sòlito no van goæi d'acòrdio: a sò pascion pe Zena e a mania de tanti zoeni de inbratâ e miage.

Cosci pe domenega 7 de mazzo inta Pista rossa o l'â organizou "Genova Styles", in colaboraçion co-o Municipio Bassa Val Bisagno, o Circolo A.R.C.I. Quezzi Alta, o Comitato Genitori per Quezzi e doï spònsor: Evoluzione Moda e Kobra Paint Italia, ch'a l'è regalou 168 bonbolette de vernixe spray.


Da neuv'òe de matin a sett'òe de seia, 'na trentenn-a de figioâmi àn fæto di murales a tema "Zena", mentre 'na vintenn-a de figeu ciù picin àn preparou di bosetti.

L'è intervegnu di rapper ascì (quelli che cantan parlando, ò parlan cantando) e di balerin de break dance (quelli che matezzan pe-a stradda a son de muxica), e àn calcolou che a l'evento agge parteçipou ciù ò meno 400 personn-e.

L'è vea che, a començâ da-a locandinn-a, ean tutte paròlle ingleixi e no zeneixi, ma intanto pe 'na giornâ di zoeni àn pitou dove l'ea permisso e s'en demoæ, into nomme de Zena (e de Quessi).

MUNICIPIO BASSA VAL BISAGNO
COMUNE GENOVA
PISTA ROSSA
ARCI QUEZZI ALTA

C'art Diana • Evoluzione Moda



KOBRA

GENOVA STYLES

AEROSOL ART
Raky/Rodeo/Sangue/Sezak/
Shalr/Shake/Sher/Zotek
Billy/Crea/Drola010/Hope/Horn/

SKETCH BATTLE

DI SIC' URBAN YOUNG

BREAKING KEVIN

RAP
Cluster plunk/ Drolato
Sangue/Vagae/Vago
Madnut Brano/ Repeat

DOMENICA 7 MAGGIO 2017
9 - 19
Quessi Pista Rossa
Info cartelli: diana@tribero.it

